

脫圓滿清淨如寶安住四三摩地比丘是名
於三摩地門信解受持如法修行獲得一切
清淨妙慧比丘如是名爲四三摩地

佛說法乘義決定經卷上

佛說法乘義決定經卷中

西天譯經藏明因妙善普濟法師賜紫沙門良金總持奉詔譲

余時勇猛甚深比丘復白佛言世尊云何名
爲住四念處佛言比丘所謂應觀內身外身
內外身住有色不淨一切世間憂悲苦惱正
念了知觀內受外受內外受住種種諸苦一

更七

切世間憂悲苦惱正念了知觀內心外心內
外心住虛幻無常一切世間憂悲苦惱正念
了知觀內法外法內外法住悟無我理一切
世間憂悲苦惱正念了知比丘是名住四念
處比丘復白佛言世尊云何四正斷佛言所
謂未生不善法以精進力攝伏斷除今永不

生故已生不善法以精進力攝伏斷除令永
斷滅故未生善法以精進力堅固安住正念攝
受故已生善法以精進力堅固安住正念攝
受今增長故是名四正斷比丘復白佛言世
尊云何四神足佛言所謂欲定斷行具神足
力自欲獲得思惟依止離欲依止寂滅依止

於此攝受伏除諱論勤定斷行具神足力自
勤獲得思惟依止離欲依止寂滅依止於此
攝受伏除諱論心定斷行具神足力自心獲
得思惟依止離欲依止寂滅依止於此攝受
伏除諱論觀定斷行具神足力自觀獲得思
惟依止離欲依止寂滅依止於此攝受伏除

諱論佛言比丘是謂四神足比丘復白佛言
世尊云何五根佛言所謂信根進根念根定
根慧根云何信根謂於因果而生信樂輪迴
世間信行正見業報差別若作諸業或善或
惡彼彼業果如如招報於自信根如實了知
是名信根云何進根謂於妙法而生信樂勤

加精進如法修行是名進根云何念根以精進力積集善行念念修習而無退轉是名念根云何定根謂於法念專心一境而無散動是名定根云何慧根謂於定中觀照一切通達無礙是名慧根比丘復白佛言世尊云何五力佛言所謂信力進力念力定力慧力云

何信力謂諸有情受如來法信爲根本善能安住而無流轉若沙門婆羅門若天魔梵若世間法皆能信解隨順攝受是名信力云何進力謂能勇猛精進堅固安住善法無有疲懈雖被衆苦而能堪忍不捨善軌行大精進是名進力云何念力謂於念中安住分位堅

更七

二

固憶持常無散動亦無妄失是名念力云何定力謂能摧伏欲染業果諸不善法乃至安住四禪三昧是名定力云何慧力謂住世間發起正慧於聖道行具足修行擇不善法離諸苦際是名慧力比丘復白佛言世尊云何七覺支佛言所謂擇法覺支念覺支定覺支

精進覺支輕安覺支捨覺支喜覺支云何擇法覺支謂於諸法而能擇思惟依止離欲依止寂滅依止攝伏諱論故云何念覺支謂於諸法正念修習思惟依止離欲依止寂滅依止攝伏諱論故云何定覺支謂能發起清淨妙慧思惟依止離欲依止寂滅依止攝伏

諱論故云何精進覺支謂於善行精進無懈思惟依止離欲依止寂滅依止攝伏諱論故云何輕安覺支謂於諸法遠離麤重調暢身心思惟依止離欲依止寂滅依止攝伏諱論故云何捨覺支謂於諸法遠離放逸令心寂靜思惟依止離欲依止寂滅依止攝伏諱論

故云何喜覺支謂於諸法而生喜受思惟依止離欲依止寂滅依止攝伏諱論故佛告比丘是名七覺支比丘復白佛言世尊云何八聖道佛言所謂正見正思惟正語正業正命正勤正念正定云何正見於所見境有取與有善惡行有善惡行所招之果有世出世

更七

二

間一切衆生所作之業乃至須陀洹果斯陀含果阿那含果阿羅漢果此世他世微妙善行皆以正見通達明了淨修梵行永斷惑障所作已辦到於彼岸是名正見云何正思惟謂以智慧分別揀擇令身語意三業無失離諸過咎是名正思惟云何正語謂能永斷妄

言綺語惡罵兩舌是名正語云何正業謂諸有情永離殺生偷盜染欲是名正業云何正命謂受世間衣服卧具飲食醫藥而為資養非邪命故是名正命云何正精進謂能勇猛破煩惱魔常修善行無有懈怠是名正精進云何正念謂憶過去所修善法念念攝持而無錯謬是名正念云何正定謂心能安住於奢摩陀毗鉢舍那寂然不動是名正定佛告比丘是名八聖道

實了知念身行正知相應故相應平等如實了知念一切身正知和合故和合平等如實了知念一切身正知相應故相應平等如實了知念一切身行正知和合故和合平等如實了知念一切身行正知相應故相應平等如實了知念輕安身行和合故和合平等如實了知念輕安身行相應故相應平等如實了知念喜正知和合故和合平等如實了知念喜正知相應故相應平等如實了知念樂正知和合故和合平等如實了知念樂正知和合故相應平等如實了知念心正知和合故和合平等如實了知念心正知相應故相

更七

四

應平等如實了知念心行正知和合故和合平等如實了知念心行正知相應故相應平等如實了知念輕安心行和合故和合平等如實了知念喜樂心和合故和合平等如實了知念喜樂心相應故相應平等如實了知念

勝解心和合故和合平等如實了知念勝解心相應故相應平等如實了知念等引心和合故和合平等如實了知如是乃至無常觀離欲相應平等如實了知如是乃至無常觀離欲觀寂滅觀出離觀和合平等如實了知相應平等如實了知佛言比丘如是名爲十六心

脫解脫知見出世功德轉正法輪證湏陀洹果功德具足證斯陀含果功德具足證阿那含果功德具足證阿羅漢果功德具足淨戒園滿聖智現前自在安隱離諸熱惱清淨無染盡未來際無有間斷亦無退轉以方便智觀察一切通達無礙佛言比丘如是名爲聲

更七

五

聞四果比丘復白佛言云何如來十力佛言所謂處非處智力因果相應及不相應如實了知故自業智力三世三業如實了知故靜慮解脫等持等至智力皆能了知故根勝劣智力信等五根或軟中上皆能了知故種種勝解智力觀一切法勝解明了皆能通達故種種智力無量世界種種界性皆能了知故偏趣行智力諸趣偏行種種差別皆能了知故宿住隨念智力過去世境宿住隨念皆能了知故生滅智力諸有情類生滅因緣皆能了知故漏盡智力根隨諸惑淨盡無餘故佛告比丘如是名爲如來十力比丘復白佛

言云何四無所畏佛言所謂正等覺無畏佛於正覺諸法等覺諸法皆悉了知心無所畏故諸天魔梵沙門婆羅門天人阿修羅等皆悉恭敬漏盡智無畏如來諸漏欲染煩惱皆已盡故住安隱地無有驚怖於大衆中作師子吼梵釋諸天轉輪聖王尊重讚歎出障道

無畏如來通達三乘聖道於一切法無有障礙故心無所畏諸天魔梵沙門婆羅門等皆悉恭敬出苦道無畏如來於無數劫修習善法乃能決定出離苦道諸天魔梵沙門婆羅門等皆悉恭敬佛告比丘如是名爲四無所畏比丘復白佛言云何四無礙辯佛言所謂法無礙辯義無礙辯詞無礙辯才無礙辯法無礙辯於無漏法智無退轉故義無礙辯於所詮理智無退轉故詞無礙辯隨諸衆生所有問難一音解釋普令歡喜故辯才無礙辯世出世間一切諸法皆悉通達智無退轉故佛告比丘如是名爲四無礙辯比丘復白

佛言云何如來十八不共法佛言所謂如來無悞失無卒暴語無種種想無不定心無忘失念無不擇捨欲無減念無減精進無減定無減慧無減解脫無減身業隨智慧行語業隨智慧行意業隨智慧行知過去世無著無礙知未來世無著無礙知現在世無著無礙

更七

六

佛告比丘如是名爲十八不共法比丘復白佛言云何如來三十二相佛言所謂足下平滿高下等觸相足下千輻輪文網轂圓滿相手足柔軟如覩羅綿相手足指間咸有網鞔金色交絡相手足諸指纖長圓滿相足跟廣長與趺相稱相足趺脩高充滿柔軟與跟相

稱相雙腨纖圓如駒渥耶鹿王腨相雙臂脩圓如象王鼻平立過膝相密處深隱如龍象王相身諸毛孔一一毛生柔軟紺青右旋宛轉相髮毛上靡柔軟紺青螺文右旋相身真金色光潔晃曜衆寶莊嚴相皮膚薄潤塵垢不住相手足掌中頸及雙肩七處平滿相肩

佛說法乘義決定經卷下

更八

栗譯經藏明因妙善普濟師賜紫金繡持等奉 譯

項之間妙好充滿相脰腋清淨悉皆充實相容儀圓滿端嚴殊妙相身相修廣端直相稱相體相縱廣量等周匝圓滿如諾瞿陀相其身上半如師子王威容廣大相身常放光面各一尋相具四十齒齊平淨密相四牙鋒利白逾珂雪相於諸味中得最上味相舌相廣

薄偏覆面輪相梵音洪雅隨衆等聞相眼睫齊整猶若牛王相其目紺青鮮白紅環間飾皎潔相面如滿月雙眉皎淨如天帝弓相眉間白毫右旋宛轉如覩羅綿鮮白光淨相其頂上現烏瑟膩沙高顯周圓如天蓋相佛告此丘如意是名爲三十二相

佛說法乘義決定經卷中

七末

更七

行於戒禁忍及惠捨中善能安住堅固平等故感得足下平滿之相有情苦惱方便救護孝順父母嚴飾布施未嘗退轉故感得足下千輻輪文相給侍尊長塗身按摩沐浴衣服莊嚴之具未嘗退轉故由是感得手足柔軟相以四攝法饒益有情平等護念無有差別由是感得手足指間金色網競相於諸尊長恭敬和順於他有情遠離損害及不與取能以妙法密護衆生由是感得手足諸指纖長圓滿相以方便智勸導覆護一切有情令修善行未嘗退轉故由是感得足跟廣長與趺相稱相足趺修高充滿柔軟與跟相稱相自

更八